



Universitätsbibliothek Paderborn

**Eyn new wunderbarlich Beychtpuechlin in dem die
warhaft gerecht beicht und pueßfertigkeit/
christenlichen gelert vnd angezeygt wirt/ vnd
kuertzlichen all tyranney ertichter menschlicher beycht
auff ...**

Strauß, Jakob

[Erfurt], [1523]

VD16 S 9492

Textteil

urn:nbn:de:hbz:466:1-31957

Nach deme die menschlich/sündlich/ vormessenheit/ das
lebendig götlich wordt (in dem das leben allein erhalten
wirt) verlassen hat/ vnd der terosfel ganz frey aufgangen ist/
wie am. iij. buch der königen am. xxij. gelesen wirdt/ das er ein
verlogener gayst wirdt sein/ in dem munde aller Propheten/ so
ist auch demselbem tawsentlistigen meyster leycht/ vnd ganz
mänglich zuthun gewesen/ vnter dem schein des guten/ den abs
trünnigen menschen von got/ vnd seynem ewigen wort/ in vns
zcelich/ pñuberwintliche stricke/ vnd felle der irrung/zufuren/
damit in der warheyt der glaub/lieb/ vnd hoffnung/ allein zu
gott zuhaben/ an die creatur vnd betrüglichen menschen gesetz/
vnd irliche leren/ angehangt werden/ vnd hatt das so lange ges
übet/biss das die aller groß nordurst/ dem armen sündlichen
menschen/ in teglicher verbrechung götliches gesetzs/ allein in got
die vergebung der sunden zu suchen/ vnd im glauben mit herz/
lichen begierden/ vngeweyfelt verhoffen/ wie dan die waren
eynnige/ vnd genugsame bussfertigkeit/ des christlichen herzens/
nach aller geschrieß erkent wirdt/ das nu mit alles vergessen/
in die erdichte/gotloss/ vnd tyrannisch beicht/ ist gestellet/ von
welcher dan viel/ nachvolget/ unchristlich/ vnd verdamlich/
geleret/ gepredidet/ vnd vom bapst gepotten ist worden.

Ainfenglich/ das nymandes magt selig werden/ er hab dan alle
vnd yede sunde/ mit allen vmbständen/ dem pfaffen/ ader dem
Münch mundlich/ in seyne ören geblasen.

Darnach haben die hohen buben herwer (ich wolte gesagde
haben die hohen schulen) ein sacrament darauff gezymmet
(wie besunderlich der subtili ingenier Scotus / nach Sance
Franciscus/ der ander abtgöt/ der barfusser/ vnd holzschucher/
vnd yres anhangs) die beicht also hoch erhebet/ das sie fur
sich selbst/ auß sacramentlicher crasse/ die wirkung hab/ das δ
vnuolkomē rewe (der dan in der warheyt nicht ist) in δ beiche
vollkommen vnd vergeblich aller sunde/ gemacht werde/ vnd
Das heyst nach dem centner geloge/ vñ nicht nach dem pfüde

Aber die holzschucher haben den selben groben lugener Scotti
erhebt vber aller menschen leer / das er nwo mer sanct Paulo in
seynem schreiben von ynen/vnd vō den/die ynen glauben setzen/
gleich geachtet wirt/wie ich dan das vorgangen iar den grau/
samien werlt vorfurter/den man nennet bruder Michel zu Sch.
watz erlitten hab/wil ich hirnach denselbigen fromen glaissen
seine beschlapten holzschuche / zwidderbringung vnd bes/
rueffung zw der warheyt/bass beschneyden.

Zenum dritten das der hellische strick der beicht/von den armen
fromen christen/in keynen wegk möge vngangen werden/Szo
hat der Endtchrist mit allen seynen widdercristen/geleret/vnd
bestetiget/bey dem ban auch / vnd bey ewiger vormaledeyung
gepotten/nichts anders zuglauben/dan die crassfloss beycht/
Komme von got/vnd auf dem vndispendirlichen gesetz gottes.

Wie gar teuffelisch vnd vordamlich die fundament der beicht
gehalten/ vnd geleret seindt worden / wellen wir kürzlich von
stucke zw stucke/beseen.

Auff den ersten irrgen grundt des zw bestetigung/die zw en na/
chuolgenden/erdicht/ vñ felschlich eingefurdt werden/gedenck
ein yeder frommer christ wie unmilde vñ gotslesterlich das ges/
keret ist/ vnd gehalten/ das gottes reich vnd almächtig barm/
hertzigkeit/so gar geschmeet vnd in den stinkenden/crassflosen
winckell/menschlichs gesprechs/gedrungē soll werden/wiewol
die verfurter viell verblümung vnd glosen hie gefunden haben/
Als sole des tewffels werck hirinne nymer erkent werden.

Erstlich sagen sie/ es muss also verstanden werden / das wel/
cher eynen priester haben magt/ vnd beychtet nicht/wie oben
angezeiget/sey vnuerhofft seiner seligkeit/hey haben sie es wol
getroffen/vnd lerent die menschen/allein ungeteylt ire vertraw/
en vnd zusflucht zu gott haben/ wen erdichte menschliche hilff/
nicht mer vorhanden ist.

21ij

Das soll ein yeder frommer christ weit von seynem herzen/ vnd
gedechtnus schlagen / dan die ganze vorgebung der sünden/in
yrer substantz vñ allen vmbstenden/ steht allein bey gottes vner/
gruntlicher/ reycher barmherzickeyt/ kumpt auch nichts dar/
zwischen/ dan die erkentnus mit rwo der sünden/ von gott/ im
glauben herflissen/ also das dem menschen der glaub anzeygt/
leyde vnd rwe seiner sünden/ zwotragen/ auss vrsach/ das seyn
sunde/ gott leydt seindt/ vnd also vngeschweyfelt begert von got
allein auss seyn er barmherzickeyt von sünden/ gelediget zuwer/
den/ ist hirumb gut abzunemen wie subtilich vnd geschwindes
der ewessel mit seynen beychtes eingedungen hatt/ so gott genos/
men wirdt das im allein zugehört.

Leese hirinne das. xlviij. Capittel der heyligen propheteey Esai
da wirdest du finden / das got aufschlecht alle menschliche/ ic
aller creaturen/ hilfse/ in seyn er barmherzigen vergebung der
sünden/ vñ also beschleust. Ich bins/ ich bin der/ der dein sünde
aufstilget/ vmb meynet willen/ vnd deiner sünden nicht mer ges/
dencken wirdt/ vnd hernach im. xlvij. spricht got vom sünden.
Gegenwertigk/ zu aller zeyt/ wirdest du brechen mein gesetze/
vnd ein vbieter hab ich dich genant/ auf mutter leybe. Aber
vmb meynen name werde ich weit/ vō dir thun/ meynen grim/
men zorn/ vnd werde dich vnterzeumen/ mit meinem loebe/
das du nicht verterbest. Ich hab dich auferwelt in der angste
der armut. Ich wils tun vmb meynet willen/ damit ich nicht
geleßt werde/ dan ich meyn glory vnd loebe/ keynem andern
zuläß.

Ich meyne hic werde gnugsam angezeygt was den heyligen
beichtherren anders zugeteylt soll werden/ dan das sie mit yrer
ertichten beycht/ die rechten gotslesserer seint/ vnd got sein götz/
lich naturlich eygenthum an menschlich gesetz vnd erlogene
sacrament knupffen/ vnd also ist in dem ersten grundt irer heyl/
igen beycht das arme christen volck von gots barmherzickeyt
geteylt/ vnd in menschlich hilff vnd trost geiąget.

Das ander teyll/des ersten gewels / alle vnd yzliche sunde mit
allen vmbstenden zwobeichten / zceygt sich selbst an/ falsch/ver/
flucht/vnd vnmüglich/ dan wen das von nöten were/must d/
mensch alle stunde ader offt im tage beychten / vnd weer dan/
nach nicht möglich alle seyne sunde zwobeichten/ wie sich auch
erzliche leute/ vnter yrer beicht gefangen habē allen tag zubey/
chten/vñ fantasten auch narren darauf gemacht haben/ dan
gott der heylig gayst/die vnmüglickeyt zuerkennē die sunde cler/
lich anzeyge/im.vij.Psalm/da gesagt wirdt. wer versteet die
sunde alle: vnd durch Hieremiam am.xvij.des menschen hers
ist böß vnd verkert vnd vnergrüntlich.

Ist darumb die ganz rew vnd beycht wie hirnach clerlichen
angezeygt soll werden / das der mensch gegen gott sich erkent/
gemeinlich in allem seynem leben / thun / vnd lassen / zw all
zceyt/cynen armer sunder.

Das du aber grüntlichen/den teuffelischen betruegē yrer beyche
in dem vrsprungē erkennen mochst/ wie/vnd warumb / sie die
beycht nordurffig anzeygen/das vorname also.

Der Hābst ader Entechist hat sich langst vfferhabē mit Lu/
cifer/ got dem aller höchsten gleych zusein / vnd hat yme nicht
gefleht eysserlicher zceytlicher pomp/ vnd tyrannischer eer/ das
er geachtet vnd gehalten wirt ein herr vñ gepietter/vber Rāys/
ser/Rönnigk/vnd alle menschen vfferden lebend/hat aber hir/
an nicht genug / biß er sich zwöherschen vber die selen vnd ges/
wissen der menschē ingeflickt hat/das nyrgent hat mögen sein/
dan so er durch seyne geliebten sön Doctores vnnnd Münche
ingesurt wirdt / als ein pinder / vnd entpinder der heymlickeyt
der gewissen/vñ der selen / die got allein geöffnet magt werden.

Vnd also hat man den affen den brey eingestrichen / vnd das
hayllig Kasparlich vniirrig gots wördt. Mathei am.xvi. auch
am.xvij. vnd Joannis am.xx. pinden vnd entpinden d' offenen

sunde / vnd widderspenigkēt dem wort gottes / daher bey dem
haer gezogen / vnd auff die heymligkēt des hertzens zcuent/
decken / gedrungen. vnd dem armē einfältigen chistlichen volk
das wort gottes verfinstert / auch also in forcht vnd schrecken
gezwungen / das in vierhundert iaren niemandts hat mögen
erathemen / vnd sich von solchem falschem gezwangē erholen/
vnd ist da ch ye zu eym teyl nicht anders gründlich zu erkennen/
dan das der teuffelisch mensch ein heri will sein der selen / die got
allein zwiegehörit / wie er spricht. Ezechielis am. xviiij. alle selen
seint meyn / vnd das der Entechrist zu Rom diesen tyrannische
gewalt vnd hellisch maiestat / unabgänglich erhalten wurde / so
hett er sein gifft aufgossen / in alle delgerzen / vnd muchs helse/
der ganzen werlt / das sie in des teuffels namen (Ich wol ges
sagt haben in seynem namen) die beycht solten leren vnd ver/
künden / vnd seyn heyliges gepott. Omnis utriusq; serus / einfie/
ren / mit plizten / donnern / vnd hageln / des grossen bannes / vnd
der ewigen vormaledeyung / vnd das sie dan die armen gedrungs/
gene menschen solten beicht hören / woll vnd vleißigkēt erfragen/
auch leren vnd weyßen / yre seligkēt zu bedencken / vnd furnem/
lich zu begründen in den nachuolgenden stücken.

Am ersten schawen ob das beychtkyndt in Hebstlicher heylig/
keyt / aber Bischoflicher hochwirdigkēt / ungehorsam / vnd im
ban begriffen sey. Alßdan mit dem beychtkyndt nicht weyters
virnemen / aber exlendts zuweysen des bannes ledigt zuwerden
Es berur leyb aber gut / als den der in diesem ban / aller sacra/
ment / vnd gottes gnad beraubt sey.

Aber ob der mensch sein zehenden rechte geben hab / vnd wirde
dasselbige sunt erlich bey dem bann außgeladen / den geliebten
sönen des heyligsten vatters / den predigern vñ barfussern möns/
chen / wie man list in yrem allerheyligsten rechchten. De deci. c.
discrecionili: 6. vnd in Cle. de Pe. cle. Cupientes.

Hirzu haben die Pfarrner in crastt hebstlicher heyligkēt auch

gethan/das mit allem vleys durch sie vñ yre gesell priester vnd
Caplan/ vñ were in yrem namē peycht höret/das peycht kindt
gefragt vnd erinnern wirdt der grossen vnrechtheit vñ sunde
wer die sieben opffer nicht gelegt hat/derselbig mensch ist ganz
vngerecht/hilfft yme auch die beycht nichts / wie Doctor Ip/
hoffer Eustos/vnd thumherr zu Buren/ Pharrer zu Clausen
zu Hall im Intael/ vnd zu Bruck an der Muer zc. villeyche
auch zu künftiger frumesser in der hellen/ öffentlichen gepredigt
get hat / das die sieben opffer / Peraction / Iartage / seelgeredt/
dreyssigste/ iarmessen/ so gar ein heilligs nordurstigs dingk sey/
Es will auch der grossmächtig durchleuchtig Fürst herr Ses-
bastian Bischoff zu Buren / wie er sich nennt/ das die dinge
vndispensirlich gehalten werden. Es wurde dann ein heyligs
Conciliū/ von yme vnd seynes gleichen celebiret/ wie er widdere
got vnd sein heyliges wordt/ vnuorschampt den von Hall zu/
geschrieben hat/des erklärung gar balde hernach kommen wirdt/

Diſz vnd dergleychen treffliche haubtstück/in der beycht zu
erlernen vnd erfragen/ thun fast woll/ vnd gehören zu eynem solz
reyssen vns abe die narren oren / das wir nicht ewiglich blinde
vnd thoren bleyben / Aber viſter herz vnd gemüte ganz freyen
von yrer tyrannischen büberey.

Vnd wan sie nu die haubtstück yres abtgots / vñ eygens nuz/
woll vnd ernſtlich erfragt haben vnd in aller forcht des Entes/
christi / der pfaff heyt vnd aller mönchischer gleyſſencrey / die
armen gewiffen gezwungen vnd gefangen haben/ das nindert
dieser gewalt ein abgang neme/ so hebt sich erst an die angstlich
nodt/der vorbehalten stück/ erzlich dem Bapſt/ die andern dem
Bischoff allein zeugehören / so ist dan alle peycht vmb sunſt/
vnd will dir der münch ader der pfaff/ die Absolution in keynen
wegk mitteylen/ dan der Bapſt oder der bischoff/ oder das hel/
lisch geystlich recht/ hat im die handt verbunden/ du müſt vyr
den Bapſt ader Bischoff/ es magt dir sunſt niemants helffen.

B

O wie groß vnd forchsam/ vñ mit grossem schrecken hat sich
diese tiranney ingedrungen/in der allein der freuel vnd die teuffe,
lische vormessenheit vber die sele zuherschen / so geweltiglich
bestetiget vnd betreffiget ist/ vnd die kynder gottes/ vō gottes
barmherzigkeyt abgedrunnen / in den vnmilden gotlosen hen-
den/der verzweifelten pfaff heyt erhalten werden/ Hernach kam
erst in erzliche iaren ein neuer hellischer verfurter trost/das man
ablas vñ gnadbrieff/aus gnaden des heyligsten vatters durch
gelt erkauffen magt/ auch ergliche heylige stadt heymischen/vñ
daselbst das geldt reychlich verschwonten / da Bischoflicher/
auch zu zeyten Bepstlicher gewaldt/zcu Absoluiren gefunden
wirt/ als bey den weyssen/schwartzeng/ vnd rothen Creughern/
vñ bey den bruderschafftē des Seraphischē sanct Franciscus/
vñ bey den predigern im Rosenkranz/O wie wolklingeln vnd
chōnen auch darbey die hymelischen schellen/ des heylige geists
sanct Anthoniūs/ sanct Bernharts perge/ sanct Valtins potz
schaffe/ die also hoch begabt seint mit abloß vnd gnaden/ wer
in yrer bruderschafft eingeschriebē ist/ vñ ierlichen zeyn gibt
magt vō den grossen stückē bepstlichs gewalts auch gelediget
werde/vñ muß gein hymell vñ solt ynē d̄ ceufell hinauff trage.

Doch ob die obgemelten heyligen geliebten söne der hellischen
Römischen kyrchen/yren eygen nutzcu viel wolten bedencken/
vnd des vrsprunges vergessen / des aller hellischen vatters des
Bapsts/von dem diese gute dingे herflissen/so hat ir die hoch
bepstlich malestat vorbehalten/ vnd ernewert das alle iar in der
Bulla die man nennet Cene dñi/zu gutem teutsch/des Bapsts
obent fressens / da dan die grundtlichen Artickell aufgedruckt
werden/ zu erhalten die aller höchste oberkeyt vber alle creatur
ren/Rayserthumb/ Königreych/lufft/ meer/ vnd wasser/das
dan alles dem Bapst vnderworffen ist/ wer sich gegen deme
aufflenet/ dem hilfft die obangezeygte bepstliche heyligkeyt/ir
ablas/gnad/gnadepriessien/pruderschaffen/walfarten/ vnd
gleychen/ gar nichts/ er muß selbst fur den Bapst/ader seynen
übersten Comissarien/dem er/mit aufgedrucktem namen bevolle
wirdt/ anderst ist er verdampft/ vnd vormaledeyet in ewickeyst.

Ach lieber got wer mage yme vor diesem stroepützen/ nicht las-
sen grausen/ vnd wie hart / hat yr verblentnus die ch:istenheyd
gezwungen / das man ynen so lang zugehörit hatt : warlich
wen wir von gott vnd seynem heylige wort nicht gebrochen
hetten/wer vnmöglich das so viel vnzalbar/vernunfftig/ ver-
stendig / leate in der chüstenheyt/ ein solchen zcenichtigen/vn-
möglichen/gesetzs/vnd handelung/ sich vnderwerffen/haben
dach pfaffen vnd mönich/ auf kayserset König/fürsten vñ herren/
vnd dem gemeynen volck/ Edel vnd vnedel/rich vnd arm/ges-
macht/ was sie haben wellen/ vnd also genarret/das wir eyns
pfaffen rock / oder eyns mönichs kutten / die heyligen kleyder/
harter besorget/vnd in grösserer acht gehabt/dan gottes gepoc
vnd sein ewigs wordt/ das mag sich doch auffs wennigst nie
bergen/ so auch die aller demüttigsten gleyssener/ die baerfusser/
so manichen fürsten vnd herren/ beret haben/noch yrem tod/
die lausicht kutte anzuzehen/ vñ ein strick vmbzulegen/ vnd
alßdan wer in der stinckenden lausichtē kutten begraben wirt/
der hat von vier Bepsten ablaß/ vnnnd vergebung aller seyn
sunde / vnnnd wirdt gleych eynam newgeborenen kyndlein / auf
mutter leyb/fert auch gein hymel wie ein kwo in ein mausloch.

Uw dennach ist dir not du frommer chriß/du wellest dan kein
syn/witz/vnd verstandt haben/das elendt/franck/ vnd zu ni-
chtig gepot/ der hellischen beycht/ nigrant fur mer achten/ das
außeynem solchen grundt gebawet ist.

Vnd diesem zu mererem verstand volget hernach zubedencken/
wie die heyligen geliebten söne die mönich als die rechten beiche
hengst/yrem heyligsten vatter nachfolgen/ vnd suechent nicht
allein durch die beyche / den Bapst über alle dinge zuerhöden/
aber auch wöllen sie über die gewissen d menschē fur sich selbst
herschen/ vnd alle dinge wissen/ ordinien vñ schaffen/nach irem
gefalen/das sie die heyligen/allein gelerten vnd ganz volkomes
nen leuthe erkandt vnd angenomen müssen werden.

Izt kumpt erst die rechte geweltige verfürung d armē selen/mie-
beschwerde leybs vnd guts/so sich zentragent die tausentfaltis-
gen fragstück/dan hiraß volget alles vbil. B ii

Erslich do lernet das eynfaltig mensch / sunde vnd boscheye
zu erkennen/die es nie gewist hat/yme auch zu wissen nicht node
ist/vnd also lernet man in der beychte sunden/ das sich dan bes
weyst vnd viel tausent menschen wissen haben/wie die schalck
hafften verlerten mōnich/nach yrem vnnerschamptē herzen/
Jungfräwen/vnd Jungelinge/ auch vnschuldige kyndes/ vnd
eynfaltige weyblin/der fleyschlichen sunde halbē so tieffergrun
den vnderfragen/das auch offt vnd manich mael in yren ver
fluchten beycht winckeln / der chirstlichen kerscheyt vnd reyn
nigkreyt / mer nachteyll widdershert/ dan in keynem huerharose/
der ganzen werlt/vnd das seint dan die guten beychtnetter/die
alle heymlichkeit des herzens in allen winckeln ersuechē kunden/
vnd was das arm vnschuldigk kyndt in seynem fleysch nach
nicht entpfunden hat / das wirt im da ingebildet. Sye wollen
auch wissen von den tugenþafften zclüchtigen eweyben / alle
vmbstende yrer elichen werken / vnd wie yr eemennier die sach
volnbringen/wie offt/wie grossen lust sie darinnen haben/ zcw
welcher zceyt/vnd dergleychen/vnd das muß gar klerlich ange
zceygt werden/damit das schwach geblüt erweget/in newe bes
girde vnd lust fall./vnd dan so lerent sie die armen weyblin/irem
mannen nicht zu aller zceyt geho:sam zusein / die heyligen tage/
den Aduent/die fasten/vor augen haben/yren leyb castigen vnd
nicht viel wollust suechen/wie die holzschucher vnd baerfusser
lyegen / das meyster Conradt sanct Elisabet beychuarter eyner
vnter ynen sey gewesen / der die heylig fräw gelert hab bey der
nacht von yrem elichen man auff zcuisten / vnd lange gebette
zusprechen / vnd den leyb mit ruethen zcustreychen / das alles
des teuffels werck ist/als ob der leyb des weybs im elichen we
sen/nicht in ganzem eygenthum des manes stunde/ das das
from eerweyb / auch der from eeman gegen seinem gemahel/ die
hoch pflicht vnd schult/vmb der verfürten bueben willen/pre
chen solt/ wie ein yeder mensch in der ee soll alle freundtscheyt/
vnd liebhablich beweglickeyt/ seinem gemahell beweysen/zcu
vermeyden den ebruch/wie der heylige Paulus sagt/ der ersten
Epistel zun Corinthern am. viij. Das weyb ist yres leybs nicht

mechtigk/ sonder der man. Desselbigen gleychen der man ist
seynes leybs auch nicht mechtig/ sonder das weyb / verkürzet
euch nicht vnter eynander/es sey dan auf beyder verwillingung
ein zceytlang vmb des gebets willen/ vñ keret widder zusamen
vff das euch der teuffell nicht versueche.

O wie viel tausentfertig hat sich der eebriuch gemeret/durch sols
che vnterweysung in d vnseligen beychte. Desgleichen/wie viel
schwache kynder / iunckfrauen vnd iungling seindt durch der
gleichen strenge geferliche fragen in der vnseligen beycht ver/
suret worden.

Wie dan sich vnüberwintlich zcutregt/in den gemeynen beich/
ten/so die verfurten mönich lerent yre beychtkynder/ vñ newen
an/alle yresunde zcubeychten/ von yren kyndlichen tagen her/
wie ein zceytlang der gebrauch ist gewesen/bey den Erzgleysses
nern den holzschuchern/vnd besunder zu Schwatz im Intall
so gar gebrüchlich ist/ das die armen verfurten weyber/zwen
ader drey tage an eynander (allein die stunde zum essen auf/
genomen) in die teuffelischen beycht winckell schliefen / vnd
beychte vñ beychte/das schier kein ee ane krieg vñ zangk befum/
den wirdt/Also auch der grausam kezzerisch verfurter/ den man
bruder Michel oder Ritter Michel heyset/das vergangen iar/
ein from eelich raw von dem Adell / drey tagen nach eynander
beycht hat gehört/vnd die fragstücke surgehalten / das sie her/
nach must sagen / sie wer geleret worden in der beycht/ das sie
alle yre tage/in yr herz nie genomen hett / hett auch nie geglaub/
bet das keyn mensch dergleychen bossheyt sich solt vermessn/
das ist der heilig beychtnatter vnd prediger Ritter Michel/ d
in das Crucifix öffentlich ein falschen eydt darff schweren/wie
er die vergangen fasten vor allen menschen zu Schwatz/ an
seiner kezzerlichen prediget/gethan hatt/ deshalb ich schier mer
mit ym reden muß.

Demnach wellen die verfurter wissen alles was d mensch thut

B iiij

Ob wo er mit vngect/ auch alle freundschaft/vnd feintschafft/
anschlege/vnd radtsatzung/vnd schlechtiglich alle handelung
aller stende erfahren sie/in der gotlosen hellischē beycht/sie lassen
auch nicht nach bis sie es alles erfragen vnd erfahren / vnd wie
heymlich vnd verschwygen das bleybet/ sey gott geclagt/vnd
allen denen die den gemeynen nutz lieb haben/ Es ist des die ale
ersam stadt Wurms am Reyn in yrer vergangen verterbnuß
woll innen worden/was ich hie auf trewen anzeyge.

Ist auch nicht verbargen den heymlichen rethen der künige/
Fürsten/ vnd hern/ deren anschlege zu gütem yrer landen vnd
leuthen/ in friden/ zcu bewaren / yren feynden nicht vuentdecke
bleyben / Es sey wie heymlich es woll/ hatt hirumb der teuffell
den Mönichen woll geholffen / vnd yr vorreterey gefurdert/
das viel zeyt König/fürsten vnd herren/ allein möniche zu bey/
chuettern gehabt haben/ landt vnd leuten zu grossem schaden
vnd nachteyl.

Ich bitt den almechtigen Gott vmb ein großmecheigen Fürsten
des namē ich ytzmal nicht nenne/welle ynen behütten vor seys
nem beychtuatter/ das er nicht schaden am leyb/seel/ eher vnd
gut entpfae / man mochte den selbigen beychtuatter auf seynet
ardt vnnnd geburdt woll erkennen.

Wie mochten die Mönich irgent zu grundt gen/ vnd yre ver/
furlich gleyßnerey nicht ein verharlich langwerigs wesen ges/
habt haben/ dieweyl sie den grossen gewalt/bey König/fürsten
vnd hern / zu wissen vnd zu ordnen yr aller innerlichst heym/
ligkeyt/in gebrauch vnd ybung erhalten haben.

Die sicht man was aller gewaldt vnd herligkeyt ist außerden/
wo nicht das götlich wordt vor augen gehabt wirdt / das die
elenden verwoffenen menschen/ durch erricht menschen leer/
die groß gewaltigen hern/vn mechtigen dieser werlt/am affen/
strick vmbzihen/ vnd wie hat sich das gemeyn volk vor yrer

vorfurung hütten mögen: So die gewaltigen S gangen werlt
also an die Münich gepunden seindt.

Auß diesem allem wirdt dir nodt sein/dich vor allen dingen zu/
ferhietten/den Mönichen dein beycht nicht zu uortrawē/wile
du nicht vnuidderpunglichen schaden/gim leyb/seel/eher/vnd
gut enpfahen.

Vnd also hast du nu kürzlichen angerzeugt das ander funda/
ment der hellischen beycht/darauff gebawet vnd fundiret seine
die grossen vorfurter d werlt/das leyder öffentlich am tage ligt.

Ich will dir auch das dritt fundament beuollen haben zcubes/
dencken/vnd so du mir chrisstliche volge thun wilt/mit eynem
wörtlin lerem/das du die beycht selber ane alle mühe/vnd sorge
vmbsturzen kanst/dan der gemein verständlich grundt der elens/
den beycht/stehet gar aufseyem götlichen fues/vnd hayst der
beychtpennigk/wen der nicht thet/wurden wir gar balde der
tyranney ledig.

Dir hast du ye leychtlich macht den selben bey dir zubehalten/
den so du anhebst zubeychten/so haben sie dich geleret/das du
bittest vmb gottes willen/vnd nicht vmb des beychtpennigs
willen/dich beycht zcu hören/sie sagen dir es auch zu/vnd spre/
chen ia/des zcusagens halt dich vnd gib ym nichts/vnnd laß
vns das allein zwey iat halten so wirst du wol befinden wie
die beycht vorschwinden wirdt/wen auch nichts anders ver/
kerts in d beycht were/dan das das gelt darzwischen küpft/vn
ein willigen fleyssigen beychtauter macht/möcht ein yeder frös/
mer christ des teufels werck wol erkennē/dan solt die papistisch
beycht/ein mittel sein vergebung der sunden/müsst kein zceytlich
besoldnung hiemit geen/dan Christus ein mael vnuiddruflich
gepoten hatt seinen iungern vnd allen seinen nachkommen/waß
sie dem gemeynen volck in geystlicher dienstparkeit beweisen/
alles vmb sunst thun/wie sie das von gott entpfäen wurden/
auch ane alle widderlegung.Mathei.x.

Hie haben die verfurer ein hupsche gloss erfunden vnd sagen
der beychtpennigk werde nicht gegeben in kauffs weyse / aber
zcu yret vnterhaltung/ wiegot veroedenet hab/ wer deme altar
diene soll auch daion gespeyst werden. Ich gesthe in der ges
chrifft/ aber nicht yres falschen verstandts / dan wissentlich
ist/das sie vnter dem erlogen verstandt/ vberflissige guther/zee
henden/guldt vnd renthe/ landt vnd lente vnter sich gebracht
haben/das zu viel ein vberflissige vnterhaltung der pfaff heyt/
magk erkent werden / vnd der gleichen schinderey / ader meers/
Simoney / in geystlicher vbunge nicht nadt wer / den was da
berirt der selen heyll / soll nicht gleych mit geldt aufgemessen
werden.

Es sagen auch ein teyll es werde der beychtpennigk / aufs an
dacht geben/ vnd angenomen. O wie liegen die schelcke/dan es
offentlich am tag liegt / das die pfarrer yre gesell priester / ader
Capellanē/ aufs den beychtpennigk/myeten/ vñ dingē wie dan
gemeynlich/im Beyerlandt/im gebirge/ vnd an der Etsch vñ
dispensirlich gehalten wirdt / das ein yedes beychtkynd muesst
erstlich ein Creutzer geben/der gehort dem pferner zcu / das an
der wie sie mit dem beychuatter eyns werden/ gehort dem selbi
gen beychtmatter zcu/ vnd treget sich oft zcu das der gesell pries
ter im beychtgelt/ane den vorbemelten Creutzer/ auff vierzig
ader funffzig gulden revcht/ das ist ein gutes seynes wesen/ vnd
ein gewisser handell / Es moegen auch solche kaufciche nicht
vorberben/dies sach ist gar gewiss.

Es hat auch der pfarrer eygentlich aufs geschrieben / die zcall
aller beychtkinder/das yme/ am Creutzer nicht zcertin/ vñ dar
umb bringst du ein gutes dapffers beichtgelt/ so findest du einen
guten beychtkuatter / Ist aber nur der Creutzer fur handen / so
hebt er flugs an brommelen/ vnd legt dir seine vngedultige heyl
ige handt/ aufs haubt/ vnd last dich lauffen/ Aber in dem fal
seynt die heyligen fro men gleyssener/ die Barfusser vnd holz/
schucher/ die seligen rechten beychtherren / die nemen kein gelt/

Aber ein ganzen backen speck's / ein tuch zu eynet kappen/ ein
capffers redelichs essen fisch/ein grosse fleschen weyns ader ein
ganz faß / vnd desgleichen schlaent sie nicht auß / sie wollen
auch gewiß sein/das ganz iar/das so sie dich werden anrüssen
vmb weyn / vmb brodt / vmb salz / vmb schmalz/vmb feser
vmb fleisch / vmb liecht vnd vmb alles das sie bedürffen / du
ganz willig vnd verbunden seyst/ vnd also hast du es woll ges-
schaffe/bey den heyligen vettern/du mechst mit eyncm ordt vō
eynem gulden / villeycht reychlich vom lay pfaffen ledig seyn
worden/ so kumbt dir also der Mönich nymmer auß dem beus-
tell/ vnd auß dem hause.

Wer das nicht versteen kan / der hat wedder syn / nach wizel
das die beychte ein zcenichtig/ fleischlich vnd verfurlich wesen
ist/ gebawet auß den abtgot den bauch/ ist auch nicht möglich
zubedenecken an sunde die beycht beschirmen/dierweyl so viel vñ/
radts/schadens/vnd nachteyls/der gottes eer auch der leyb eer
vnd guet darin erfunden wirdt.

Vnd das sey genugt gesagt/ vnd auffs kürzlichst angezeiget/
die erste einfurung im anfangt gemeldet / das nodt sey zcubey/
cheen/falsch/vntüchtig/reuffelisch/vnd gothlesterlich.

Den andern vyrnemlichen beschluß der beycht am anfangt
eingesuret/ das die beycht wie die lügener sagen ein Sacrament
sey zc. wollen wir auch besehen/ vnd mögen nichts bessers dar
zu sagen/ dan zu dem ersten tayl/ dan es alles erlogen vñ ertiche
ist/ was die blyndensurer hirinne geschrieben vñ geleret haben/
den so es ein sacrament solt seyn / müst all yr schreyben von den
Sacramenten/falsch vnd erlogen sein/dem doch nicht viel an/
derst ist.

Sie sagen eintrechtligh alle über den meyster mit den viel tau-
sent sinnen/am vierden buch der ersten distinction/das ein ydes
sacrament sey/der vnsichtbarliche gnad/ in der selēn wirtkens/
C

ein sichtbarlichs zeychen/ das gantz ein gleichformigkeyt hab/
vnd ein eygenschafft/leyblich den augen einbildet/der wircklig/
keit in der selten/ als das abweschen im tauffe eusserlich am leib/
durch das materlich wasser / virzeygt die innerlich abwasch/
ung vnnnd vorgebung der sunde/ durch Christum/im glaubens/
wirkende in dem heyligen sacrament der tauff/ vnnnd also mer/
trawmet ynen von der sach/das dasselbig eusserlich zcaychens/
sey die materi des sacraments / vnd die aufgesprochen wordt/
heyssent sie hie die form/im Sacramen/das hatt sie Aristoteles/
geleret der gross Theologus / sie sagen auch das die innerlich/
wirckende gnad sey das recht ding im sacrament.

Nu laß schawen frommer christ/wie wir auf yrer kostparliche
hochsinreychen leer/die hellisch beycht ein Sacrament müssen
anzcaygen/vnd versteen.

Erstlich wollen wir sie bitten die grossen Magistros vnnnd
Doctores / das sie vns vmb gottes willen anzcaygen/ welchs
doch die materi ader form sey/ in der sacramentlichen beychte/
dan dieweil sie eintrechiglich beschlossen haben/das ein einige/
eygene materij/vnderschidlich/einem yeden sacrament zwgeor/
dennet wirdt/ mogent sie nicht sagen das das reden/ knuwen/
seuffzen ader zittern/ das beychtenden armen menschen/ sey
die materij/ hic in yrem sacrament. Dan diese dinge seint nicht
zcuerkennen fur ein besondere elementisch materij/wie offenbar
ist. Sie lassen auch zu zzeiten die reichen vnd mechtigen beicht/
kynder yn der beycht sitzzen ader ligen/das dan bey irem euans/
gelisten Aristoteles/nit einen kleinen vnderscheit hat/ess ist auch
nicht gleich vnnnd einfeltig zwofinden/ eyn erzeygung in andern
eusserlichen vmbstenden/des beichtkundes/das auss diesen ding/
gen allen/ nach yrer hochen kunst/die bewerbt vnuerrückt ma/
terij/ yres sacraments vernomen kundt werden.

Ich achts aber gantzlich darfur das 5 pfennig die recht mache
rij sey/ yres heyligen Sacraments/ vnd die betriegend falsch/
vnd verfurchtlich leer/ vnd gleyssennerey/ wie yn allen yrem thun/
vnd lassen/ die recht from sey/ die gemoleit vnd ausgestrichen ist/
wie sie Christus anzeygt/ Matthaei am xv. vnd. xxij. yn den
acht erschrockeliche vermaledeyung/ die selbigen Capitell mag/
stu lesen/ vnd das recht ding yrs sacraments der herschende
teufelsche bracht vber die gewissne der sich d Bapst vermesssen
hatt.

Aber das ander teill da gesagt wirdt/ durch den subtilen luges
ner Scotum/ vnd seyn anhang/ das die Bapstlich beicht/ yr
heylig Sacrament/ hab die gross tngent vnd auswirckung/
aus sacramentalicher krafft/ das der do beichtet ane rewe/ sei/
ner sunde/ enpfa von disem heiligen Sacrament ein volkomene
gnugsame rewe zc/ wie am anfang gemeldt ist/ das ist nemlich
grausamlich got gelestert/ so ein menschlicher handel so gut ge/
acht soll werden/ das die aygenschafft gottes der allein die rewe
gibt/ der creatur soll zugelegt werden/ vndist wunderbarlich
zwo vernemmen/ wen man auch yr Sophisterey solt ansehen.
Es ist gut wissen allen schulgarten wie rustig Scotus wider
Thoman/ sich auflenet/ vnd willyn keinen wegk den Sacra/
menten zwgeben/ eynige wircklyckeit der gnaden/ vnd seit also
hie abe in dem ertichten sacrament/ vnd gibt der beicht zu den die
mechtig wirkung vorgebung der sunden.

Sye haben all mit eynander laning vnd viell getanttet vnd
geleret/ von eynem Rigel den sie nennen Obicem/ wer denselbi/
gen furschibet/ da magk die gnad gottes nicht in ynen/ ist den
das nicht ein Rigel widder die gnad gottes/ ane rewe beichtein/
so kan ichs nicht versteen.

C ii

Hierumb ist ganz klar vnd offenbar das alle yr leer / schreyben
vnd predigen / beyche hören vnd absoluiren / falsch / verfürlich /
vnd ane allen grundt (man wende es wo man hin wel) erkens
muss werden.

Den dritten beschlus im anfang angezaygd lauthet / das der
Habst seyn hellisch gepott der beicht hiemit bestetiget hat / mit
allen seynen widderchristen / vnd sagt / die beycht kum auf gots
tes vndispensierlichen gesetz / vñ Christus hab die beycht auf/
gesetzt / vnd haben desselben falschen erichts / mit lesterung der
geschriefft / eben viel geschwetz außgericht / den armen gemey/
nen man zuvorblenden.

Ist nu zumael nicht nodt zuschreyben / hab seyn auch ein vor/
diess / vnd ist darzu vnlustig zulesen / yren grossen lügen / die sie
so vnuerschampt hie einfuren.

Aber dem gemeynen christlichen herten / sey genug vnnnd frag
nicht weyther / dan die elenden verfürer mögent / kayn offenbar
bewerte schriefft / yr errichten beycht anzaygen / vñ behilff dich
des götlichen worts / das dir got so gut anzaygt / das in genö/
tigten grossen dingen zuleren / vñ gepitten / gott nicht heymlich
vnd verborgen / sein gepott vnd gesetz geben hatt / wie woll viel
figurlicher vnd heymlich bedeutung / in der geschriefft / gefun/
den wirdt. Wo man aber kumpt auß gepott vnd verpotte gots
tes / da wirt nicht tuncel ader finster geleret / aber öffentlich vñ
ganz clerlich / mit allen vmbständen / virgehalten / was man
chun / ader lassen soll.

Und ist ye die leer vnd das gepot der büßferticheyt / das aller ges/
nötigst / christenlicher leer / dan alleyn Christus vmb sunde ver/
gebung / mensch worden ist / vnd gelitten hat / solt dan Christus
vergessen haben oder verhalten / das in allen seynen gepottē ges/
fundene wirdt / das nicht klerlich in d geschriefft solt angezaygt
werden / das zu vergebung d sunde gehört / wie sie von d beicht

liegen. Es wer dach durch aynen Euangelisten / aber zwelff
potten/ beschrieben worden/ das man dem pfaffen die sunde in
seine oren plosen solt. Darüb solt du irem geschwetz nicht glau-
ben/ biß sie dir ein lautern text des Euangeliums hie anzsay-
gen/das dan vnmöglichen ist.

Clym dir des ein behelfs bey der Tauff/ auch bey dem Sacra-
ment des brots/ meer sacrament haben wir in der christenheyt
nicht/ da Christus vnser herz gar vnuerborgen/ gerecht vnd ges-
leret hat/ alle vmbstende/ weyse vnd gestalt/ die sacrament zeis-
teraceuren aufgedruckt/ vnd die haylichen Euangelisten/ auch
sanct Paulus so fleyssiglichen geschrieben/ das in kaynen weg
vermüdt mag werden/ were die Bepstlich beycht nocdurftig/
yr wer auch in der geschueff nicht vergessen werden/ dan die
eynigk außwirckung der tauff/ vnd auch des sacraments/ des
leybs vnd blüdes unsers herz Christi/ ist vergebung d' sünden/
vnd ernewrung in gott/ solt dan die beycht hirzu nocdurftig
sein/ wie misste dan so clerlich dawon geschrieben werden sein.

Du magst auch woll gedenk'en/ das die beycht fur gottes ge-
setz/ nicht angenomen soll werden/ dan dieweyll der herz Christus
alle hertigkayt/ der gestrengen gepott/ des alten gesetz/ im
christelichen leben/ hat wellen senfftigen vnd linderen/ wie wole
er dan ein solch grausamlich tyrannisch gesetz/ auff seyne glau-
bigen gedrungen haben/ dieweyle des die hertpeyssigen alten
Juden/ die er doch mit scharpfen gesetzen hat wellen bynden/
bergleychen peycht alwegen überhaben hat/ dan so menschlich
ceremonien in der beycht eingefierdt werden/ het sich niemande
baß gezeymt/ dan den Juden/ die in steter übung der Ceremo-
nien/ erhalten worden.

Es hilfste auch hye nichts ob sie sagen welten wie im Euans-
geliu/ gepott unsers herz Christi angezaygt werden/ viel eyns
größern hertern anschein/ dan irgent un alten gesetz/ alßs lieb/
habung des feyndts/ gelt aufslihē vñ nichts widder verhoffens/

C 1ij

allen menschen sich dienstpar machen/ vnd nyemandes nichts
versagen/ vnd dergleichen. Dan die gebott seint all in dem ges
secze gottes durch Moysen vnd Propheten angezeygt/ Aber
durch die verblinten phariseer vnd schrifftgelerter/ vertunkelt
vnd abgefurt/ von yrem rechten naturlichen verstandt/ vnd
darumb hatt sie Christus ernewert/ vnd in yren rechten volko/
men verstandt widerumb eingesetzt / wie leichtlichen ein yeder
vleissiger leser des Euangeliumbs vñ der pucher Moysi auch
der Propheten/ finden mag.

Vnnd beschlißlich kan die beicht nicht ein gebott christi seyn/
dieweil in der beychte/ Christus ambe/ vnd eygenthum/ ver/
kert vnd geschmelert wird/ dan Christus will das christlich
hertz in ym selbs bestreyhen/ vnd die gewissen ruwig machen.

Die peicht vom Bapst eyngefurt pindt den menschen an mens/
chen gesetz vnd lere/

Christus ist der volkommen vorgeber der sunden/ wie er durch
den Propheten Ezechiel sagt xvij. das er der sunden nimmer/
mher will yngedencken.

Der Bapst in der beycht/ pindt den menschē an sunderlich ges/
nug thun/ vnd außgesetzte püss/

Christus im glauben macht frölich vnd frey des sunders herz.

Die beycht betrübt vnd vntuiget das hertz/ als s yn der war/
heit sich befindet/ ye meer man peicht ye mer man beichte muss.

Christus zeigt sich selbst an/ ein warhaftige sichern lebendis/
gen wegk.

In der beychte lert man sunde forchten/ da kein ist/ vnd so man
lenger fragt/ vnd in sünden umgrippelt/ ye schwörlicher vnn
gewerlicher man vom recheen wegk vorirret/

Darumb acht dieser peicht gar nicht/ wilt du nicht von Christo
so erneuert werden/ vnd vnsaglichen schaden vnd yrrung yn
deiner selen annemen/

Zum andern teyl dietz buchlinis ist nodt/ das ich meinen gelieb
ten freunden vnn und brüdern/ in Christo/ denen von Hall ym yn
ehal/ auch yr nachperschafft guten vnterschydt gebe/ der xvi.
predigen/ die ich das vergangen iar/ yn der fasten bey inen ges
tan hab/ vnn und zu beychten geraten/ fundamentlich auss dem
leiden vnnser herren eingefurt/ das sich der mensch nicht soll
schemen/ seine sunde zu eroffen/ seinem eben christen menschen/
vnn und vertrautenn mitbruder/ dieweil vnnser her: Christus
Jesus/ so schmelich vnd lesterlich/ enteret wart yn seinem heyl
ligen leiden/ vñ das ist der inhalt gewesen derselbigen predigen/
Wie ein stück auff das ander (des andern teils des passions)
teglichen gesagt wart. Das will ich aber alles yn den beschluss
gesetzt vnd verstanden haben/ von der selbwilligen vnd vnges
dringene beychte. Das des Bapst gesetz vnd der alt gebrauch
hirinne gar nicht bedacht werde. Den wan ich gleich zu ders
selbigen zeit etzwass erschrockenlich/ vnn und mit forcht/ wibber
die peicht geleret heet/ wer keyn wunder/ dieweil ich allein den
mechtigen vnn und viellstigen beychtherren/ vnd langem teuffels
lischem gebrauch widderstehen hab sollen. Es ist auch guth
wissen wie ich von ynen geestiget wardt. Dach hab ich der
warheit nicht vorschwigen/ wie ich dann ym beschluss eyner
yeden prediger allenn tag/ angezeygt hab/ das keynn mensch
auss zwangk oder gepott beychten soll/ er well dan von new
an tödlichen sünden/ vnn und ein gleissenner vor Gott sein.

Ich hab auch den zusatz gehan/ das niemandes ym gedenck
soll zu vorgebung seyn der sunde dem menschen zubeychten / yme
noodt sey.

Ist hirumb von nothen/das die yenen/die meyn predigen gehoert
haben/ sich referiren auff das erst teyl/ diß büchleyns wie vor
angren ist.

Die beycht aber von der ich geprediget hab / wer loblich vnd
gut/wo bey dem menschen/ein solchs demüttigs hertz/vn seyn
selbs eygen vernichten in der warheit erfunden wurde / das er
sein heymlich verborgen sündlich gewissen/ eynem vortreutem
fromen christen/der hierinne sich nicht ergern wurde/entdeckt/
auch das es haymlich blieb / ane weyter ergernus/vor der sich
alle menschen auf gottes geport/hütten sollen/vnd das möchte
geschehen mit solcher maß.

Das der sunder seyne sunde beklagt vnd bekent/seynem mitbm
der/von yme vnterschayt/ vnd trost/zuentphaen/in den worten
der zusagung unsers heren Christi.

Vnd demnach/ die zwey christen menschen sollen sich referiren
auff das tröstlichst zusagende wordt unsers herren Christi
Mathei am. xviiiij. da der her spricht. Ich sage euch wo zwey
unter euch/eynes werden auff erden warumb es ist/das sie pitzen
wollen/ das soll ynen widderfaren/ von meynem watter im
hymel. Also das der bekennet seyn der schulde sagen wirdt/lieber
bruder ich bitt dich in christlicher liebe / als du verstanden vnd
vernummen hast / meyne grosse sunde/ die ich dir bekant hab/din
wollest mir gott helffen erbitten/vmb barmherzigkeyt /vergebung
vn nachlassung der sunden. Demnach im glauben wurdet
die bey ynen also beschlossen/das sie beyde vmb barmherigkeit/
wurden gott bitten/vnd den/der ein/dem andern/die recht abs
solution sprechen / das ist die wordt der vorheyschung Christi.
tröstlich furhalten vn spiechen. Lieber bruder ich vornehme das

dir dein sunde yn gott leidt seint/ darumb sey vngesweyxelt auf
den worten gottes die nicht felen mögen. Gehe hin vnd sunde
nymmer/dein sunde werden dir vergeben/vñ gee hin im friden/
dein glaub hat dich von sunden selig gemacht. Und das ist die
recht eygentlich absolution/die von got in seinem kressigen vn/
eriglichen wort/vns surgehalten wirdt/ von vnserm midbrus/
der vnd chüstlichen menschen/

Wen nuen diese wordtgesprochen/ vnd festiglich im glauben
werden angenomen/ so ist die recht beycht volbracht/ zcw der
du keins Monichs oder pfaffen bedarfst/ wie das Euangeliö
in seinen kressigen worten/ hie anzceygt/ vnd also mechte ver/
standen werden/ das die peycht/ vmb merer sicherung willene
der Conscientz ym anfang der Christenheit/ bey erzlichen fromē
christen/ gebreuchlich sey gewesen/ aber doch in keynen gezwas
ngt oder gepott wie du dann auch lesen magst/ in Tripartite
historia/ am ersten puchlin.

Zum dritten teyll dis puchlins vnd zum beschluß/ ist ganz
nodi die recht peicht vñ püssfertigkeit/ die in aller geschafft dem
sunder notdurftig angezceygt wirdt/ das der mensch hertzigs/
lich Gott dem almächtigen beken vnd voriche sein sunde/ vnd
das muss gescheen zu aller zeit. Ist auch allein genugsam zu
gantzer volkomener vorgebung der sünden. Und wer diese
peicht nicht kan vnd versumet/ der hatt sein heyll vnd selig/
keit versumpt/

Vnd der peicht seint unterwaffen vnd pflichtig gewesen alle
heylichen vnd freunde gottes/ wirt auch kein mensch so heylig
nicht er muss also peichten/vnd seine sunde veriehen/ vnd dar/
umb wollen wir diesen beschluß woll fassen/ Dan was vns
hie abgieng wurde vns ewiglich schaden. Das wollen wir also
in den worten vnsers herñ Ihesu Christ anzzeigen. Da der her
spricht Joannis vi. Das ist das werck gottes das yr glaube
in den den er gesandt hat. Wie ist die recht peicht vnd püss

D

grundlich angezeigte / dan d ware lebendige glaube in Christus
ist ein steret / verharrende/bekentnus / vnd peicht der sunden.

Darumb merck das wort gar eben / d herz sagt man soll glauben
in den/den got gesandt hat / hie muss Christus nicht allein
erkannt/geglaubt vnd betrachtet werden/ als got vnd mensch/
aber als der vns von gott gesandt ist / vnd warumb die sondig
bescheen ist / das ist allein die vorgebung der sunden zu mittelen/
durch sein menschwerdung / vnschuldiges leben / vnd pittern
angstliche todt / vnd marter / vnd das zeygt das heilig Euans
gelium an allen orten an / das die schwere vn grosses der sunden
aller / vnd jedes menschen / die vissach ist / das d son gottes / todt
vnd marter hat eyleyden müssen.

Vnd also sagt der glaub eynen yeden glaubigen / der die ding
herziglich in Christo bedenkt / wie schwer vn vnergrundlich
die boscheyt menschlicher sunde vñnd vngerechtigkeit widder
gott erkent muss werden / da nichts magk helffen dan allein d
tode des son gottes / vnd den so hebt sich an die felig angst vnd
schmerzlich rew / das der sünden seyne grosse sunde / in dem ley/
den / wunden / vnd todt Christi schwert / vñnd schmerzlich
behertzget / wirt auch gantz gedemüttiget / vñnd in ym selbst
verzage / das er / der vbelter ist / vmb den Christus vnser got /
so viel vbel erlitten hatt / vnd wirdt nuen meer im glauben ge/
drungen / kein vertrawen in sich selber zu haben / aber gar in im
selbst verzweyfeln / vñ in der angst wirt er im glauben / eylendts
gefurt in Christum vnsern herrē / vnd in sein warhaftigs vns
trieglichs zusagen / das er nuen meer im glauben tröstlich / nicht
in yme selbs / aber in Christo ledigung vñ seinen sunden empfae/
wie yme der glaub anzceygt / das Christus von des sunders weg/
gen gesandt wardt / wie Jesus selbst anzceygt. Joannis. iii. ds
er also sagt. Also lieb hat gott die werlt gehabt / das er seynē ey/
nigen soen gab / auf das alle die in ynen glauben / nicht verloren
werden / aber haben das ewig leben / vnd also macht der glaub
den menschē in ym selbst verzage / vñ in Christo ganz getrost /

Vß der weyß im glauben / (wie geschrieben steht am ersten büch
der konigen / am andern /) thöret gott vnd macht wider leben/
dig den junder / so er in seiner erkantus in ym selbst ersterbt / vñ
durch den glauben in Christo widderumb lebt. Das ist die
beycht die teglich gescheen muss / dan wir als Adams kynder
teglich sinden. Daruõ der heilig Johannes seyn ersten Epistel
am ersten Capitel klerlich beschribt / vñnd sagt. So wir sagen
wir haben keine sunde / so versuren wir vñns selbst / vnd ist die
warheit nicht in vñns / so wir aber vñsre sunde bekennen / so ist
gott getrew / vnd gerecht / das er vns die sunde vergib / vnd reß
niget vns von aller vngerechtigkeit.

Vnd zwro dieser peicht müßen wir mit dem höchsten ernst vnd
vleis geächt vñnd bereidt sein / dan das ist der recht weg der
pueffertickeit / der do einfurt / in das wör ewig leben / da gottes
wolgesfallen / vnd heb / allein gejucht / gefunden / vñ volnbrachs
wirde.

Vnd darumb kanſt du woll gedencken / das die wort obanges
zeigt / da Christus sagt / yr sole glauben in den / den er gesandt
hatt / müssen nicht als ein merlin oder histori oder gemeine sag
angenomen vñ geglaubt werden / wie die Sophisten von yrem
vngesformten vnd nicht aufgemalten glauben / leren. Dan hie
wirdt beruret der lebendig durchdringlich / vnd stetwircklich
glaub / das die erkantus Christi / alle begirden vnd das ganz
menschlich gemüth / in Christu zeugt / vnd der mensch in dem
glaubē von allen creaturen / auch vō me selber abgenomē wirt /
vnd allein in Christo bleybt / vnd lebe / mit Christo gecreuziget
wirt / stirbt / vnd widderumb aufsteet. Das ist das er Christu
vnd sein leben / sterben / vnd außersteen / ym glaubē angezeweys
flet achtet / als das im gentzlich / vnd eygenter besitzung zeuge/
hört. Wie Paulus sage zu den gallathern / am andern. Mich
Christo pin ich gecreuziget / vnd lebe doch / aber nicht ich / aber
Christus lebt in mir / vnd das ich nach lebe im fleisch / das lebe
ich in dem glauben / des son gottes / der mich lieb gehabt hatt
vnd hat sich selber vmb mich hin geben.

D 4

En wollen wir die peicht ist ein kurtz verstandig form vñ weiss
stellen/ fur die einfältigen fromen Christenn/ die nicht hoch bes-
dacht seint / in der geschrifft.

Ansfenglich so thu yme also/ als offt du deiner sünden gedenc-
est/ ader außs wenigst morgens ader sunst ein fart ym tage/ vñ
allermeist vnd vliessigst/ wen die pfaffen vnd munich donnern
vñ plitzen/ mit irer errichten erlogen peicht/ so lass du schauren
vnd hagelen/ vnd gee hertzlich ym glauben in dich selbst/ vñ
fleuch flugs zu got dem rechte beichtuatter/ vñ gedenc also.

Ich befinde mich in allen meynen gebanckten worten vnd wer-
cken/ wie ich ymmer erkennen mag ein armen sunder/ vnnnd ist
nichts guts nach gerechts an mir/ dan ich eynigen willen ader
gefallen meynes gots/ mit ganzem begirden vnd herezen nach
nye volnstreckt hab/ vnd auch yetz neulichen/ mit der/ vnd der/
grossen sunde/ widder gott gethan hab. ob etwas gegenwers-
eigs vnd wissentlich dein gewissen truckte das melde kurtzlich.

Ezum andern so wende dich flugs vmb/ vnd schw deinsunde
in den wunden vnd dem pictern todt Christi an/ vnnnd bedenk
kurtzlich wie vordamlich du gehandelt hast/ das du an de todt
vnd marter Christi deynes gottes/ schuldig pist/ vñ senck dein
herz in das schmertzlich leiden/ vñ sterben deynes erlosers/ das
dir deine sunde leydt vnnnd missellig werden/ darumb das dein
gott fur deine sunde gelitten hatt.

Ezum dritten so dring hinein mit einem festen glauben/ vñ hab
keinzweyfell so du ym glaubenn/ die dinge erkennest/ so ist das
werck gottis in dir.

Ezum vierden so fass zusammen alle dein begirden wie du kanst/
ader magst/ vnd beger hertzlich/ vnnnd bete Christum vmb sein
heyligs leyden/ das dir vorgeben werden deine sunde.

Vnnd ob du diese dinge/mit seuffzzen/vn weynen/aber grosse
bewegliket mit kanst bedencken/adder zu Gott aussprechen/so
verzag nicht/ Es ist hie nie nodt sinlicher entpfinklichkeit/ aber
eins waren glaubens/ vnd darumb bitt Gott vor allen dingern/
das er deinem vnglauben helff/ dir einen waren glauben verleis-
he/ vnd denselben meer vnd sterck/ wie die zwelff botten Christus
stum gebetten haben Luce xvij.

Zum funfzen so hab keinen zweyfel/ aber glaub festiglich/de
werck gottis/ das allein Got ym glauben irze/ in dir außgeriche
hatt/ das dir alle deine sunde vorgeben seinnt/ vnd nim flugs
zewhanden/vnd bedenck das freydentreych/ suess vnd lebendig
wort Christi/ als ab du es von newen an/ von Christo/ auß sei-
nem eygenen mundt horrest/ das er so trostlich den armen sun-
dern zugesetzelt hat/ dir werden vergeben deine sunde vn geheilt
im friden/ dein glaub hat dich selig gemacht/ Luce vij.

Vnd yezt hast du recht vnd genugsam gebeicht darffest auch
nicht weyter fragen. Dan himel vnd erden mussten eer brechen/
den das die oben angezeigten geschafften/in dem glauben vns
sers herren Jesu Christi/ so du in Christi also glaubest/ niche
selten in dir volbracht werden/ vnd magst des eyn solchen bes-
schlus vnd form halten.

Almechtiger barmherziger Gott/ mein getrewer entlediger vnd
seligmacher Jesu Christe/ Ich armer elender sunder erscheyn
vor deiner almechtigkeit wie du mich erkennest/ von vspung
meynes lebens/ bis auff diesen augenplicke/einschalekhaftiger
boser sundlicher mensch/ der dein geput vñ wollefallen/ nach
nye vonlbracht hatt/ vnd hab mich selbs nach nye recht/ fur
den verdampfte sunder (wie ich bin) erkande/weiss auch mich
nichts guttes in mir zuuertrosten/ich befindet auch/ als du fur
aller menschen sunde so grausam vnaussprechlich angst/ vnd
noder/ in deinem leben/ vnd Pittern sterben/ erlitten hast/ vnd
alleyn also fur diesunde genuge mussenn thun/ das mein sunde

D ij

vnnd vnbancckparkeit/ vnterlich gross/ vnd beschwert seint/ In
deinem rechten gotlichen gericht. Es ist auch auf allem meyne
vermugen/nichts anders in mir/ dan das ich ganz verzag vn
verturbe/ aber so ich glaub/ das dein heyliges leyden vnenlich
vnnd vnauffhorlich/für meine sunde genugsam ist/ vnnnd gos
dein hymmelscher vatter/ auch du dich selbst mir vnnnd allen
sunder/die im glaubenn dich vnnnd yresunde erkennen/ volko/
melichen geben hast/ das dein leben vnnser leben ist/ auch deim
sterbenn vnnnd was du erliedenn hast/ vnnser eygenn ist/ vnnnd
darumb so ich gannig in mir selbst vertorben vnd verzweyfels
pin/ vnnnd hab auch keinen trost zu allen creaturen ym himmel
nach auff erden/ so setze ich deinem gotlichen worti vñ vñ bes
triglicher zusagung mein glauben vnd vertrauen allein/ vnd
peycht vnd beken/ auch vertech/ dir alle meine sunde/ vnnnd bes
sunder die ich newlich gethan hab/ wie du weist vñ erkenst/ an
mir/ sie seynt mir auch alle leyde/ vnd rewen nich/ die weil ich
glaub vnd erken/ das dir mein sunde also leidt vnd widderwir/
sig seint gewesen/des du todt vnd martet darumb erlitten hast/
Herr dich barin hertziger gott aus ganzē hertzen/ wie ich ver/
mag/ vnd vngezweyfelten glauben/ vergib mir/ vnd nym hin
von mir alle meyne grosse schweren sunde. Ich hab dir mein
got nicht anderst zugeben/ damit ich dich warlichen eren mö/
ge/dan das ich dir mein sunde vud elend mit glaubige vertrau/
tem hertzen/ überantwort/ das dein almechtig barmhertzkeit/
also in mir armen sunder erhöchst vnd geglaubt wirst/ ich hab
auch kein zweyfell du sprechest yetz in meynet seelen/ (die weiss
du mir den glauben geben hast) das suess/ trostlich/ begirig/
wordt/ wie du offt zu den armen sundern geredt hast/ dir wir/
den dein sunde vergeben/ vnd gee hin ym friden/ dein glaub hat
dich selig gemacht/ also nyme ich dich in deynem lebendige vñ/
gezweyfelten wordt an/ vnd setz mein seel vnd leyb/ vnd fur/
bass alle meyn leben in dich/ das du allein in mir wirckest/ vnd
volnbringst allen dein wolgesfallen. Und also hab ich nu/auss
deiner gnad vnd barmhertzkeit mein peicht volnbracht/ vmb
dirich dir lob vnd dank sage/ du erlöser der werlt. Ihesu Christ

Se/ deme alles loeb/ eer vñ bettedeyung sey mit dem vatter vnd
dem heyligen geyst in ewigkeit. Amen.

Nach dieser peicht volget kein außgesetzte püss/ dan das du
auß dich nemest/ dein crutz vñ dringest Ihesu dem herre nach
in leer/ vnd inhalt seiner gotliche worten/ vnd hüttest dich gar
vleissiglich vor menschē leer vñ gesetzen/ arbeit dein hanwerk
ader handell getrewlich/ vñ hab den aller hochste vleis in allen
eüsserlichen dingenn/ das du deinem negsten menschen getrew/
freundlich vnd dinslich dich beweysst/ als dir selbst/ so hast
du das ganz gesetz gottes erfüllt/ wie paulus sagt zun Rö/
mern am viij.

Vnd also hastu nu erreicht/ die ganz volkomene peicht vñnd
bueßfertigkeit/ vñ das war recht christenlich leben/ das dich al/
lein der glaub in christo/ durch sein heiliges wordt leret.

Las nu furbas dem Entechrist/ mit allen seynen widderchristen
pfaffen vnd monich/ ya auch den teuffel/ die hell/ vñ alle crea/
turn/ sagen/ singen/ schreyen/ donnern/ plitzgen/ hageln/ schau/
ren/ vnd diewen/ vnd forchte dir nicht/ lass dich begnügen an
der heiligen seligen peicht itzt angezeigt/ so mag dir niemandts
nichts schaden/ dan gewislichen in der peichte/ ist gott bey dir
vnd steht fur dich/ wer mag dan dir geserlichen zuwidder seyn
als du lesen solz zun Romern am viij

Zum letzsten entlichen beschlus ditzs büchlins müß ich die bes/
weinglich cleglich gesengnus/ des Tirannische teuffelischen ge/
walts/ des Entechrist/ vñnd seiner widderchristen/ betrieblich
vnd mit schmerzen bedencken/ vñ den schwachen armen chris/
ten/ die mit gewalt vnter des Entechrists gezwangē/ vñ hel/
lischen gesetze/ gebürgen werden/ ein trostlich vnterricht zu/
stellen/ wie sie sich halten müssen/ so sie in der ertichten fasten/
vom Papst auch außgesetzt/ zu einem sunderlichen hellischen
strick/ der armen selen/ zw des papst peicht genottig werden/
das die selben frommen einfältigen christen/ auch auf der bestes/
tigten leer/ des heyligen vatters/ wie man es lesen mag in yren
öschern/ vnd wie yr gesetz verstanden wirt/ sich widder die er/
richte peicht behelfsen mögen.

Erstlich spricht Scotus auch Thoimias die der Babst so groß
achtet/ vnd so woll von seinem gewalt geschrieben haben/ das
die heimlichkeit der peicht also fest gehalten soll werden/ das in
keinen weg vnd auss keiner vrsach/ die peicht vnnd was in der
peicht gesagt/ keyner creature soll gemeldt oder offenbaret wer-
den. Dan das die peicht verschwigen/ heimlich vnd verborgn
bleib/das heist er ein substantzlich stück/vnd eygentschafft des
sacraments der peicht. Dierweil dan pfaffen vnnd Monich so
gar offe/ vnd gemeynlich vorreterisch (ich wolt gesagt haben
vnuerschwigen) gefunden seint worden/ wie soll dan der from-
christen mensch die substantz der peicht/ wie sie sagen/ bey pfaf-
ffen und Monichen/ vertrewlich finden.

Es ist offenbar vnd ligt leyder am tage/ das die pfaffen vmb
gele in allen yrem thun/ Simoniesch vñ mit geystlichem sund-
lichen wucher erfunden werden. Auch mit aller bosheit/laster/
sunde/ vnd büberey vngieben seint/ auch sich yres schenlichen
bösen lebens nicht meer schemmen. Wie kan oder mag dan eyn
frommer vernunftiger mensch/ die heimlichkeit seynes herzens/
daran ym sèle/ leben/ leyb/ eer vnd gut steet/ dermassen vntucht-
igen leuten/bewillen vñ vertrawē? Den der sich in die generliket
stellet ist nicht allein vnyweyslich vnnd nerrisch handeln/ aber
auch gott dem heiligen geyst vngehorsam/ der da spricht vñ
gepeut/in dem Buche der sprüche am xxv. Du solt dein verbors-
gen sach tractiren mit deinem freunde/ vnd solt dein heimlichey
dem frembden nicht offenbar machen/damit/ so er dich gehort/
und vernomen hat/ er nit das gespott auf dir treybe.

Ist das nicht verständig genug vō deme heyligen geist verpoet
ten vnnd gewarnet vntuchigen verkerken bösen leuten/ die sel
vñ gewissen nicht zubefellen? So kan ichs nicht versteen/ dan
wie kan ich mich freundschaft vnd trew in meiner gewissen vñ
sele zu dem vorsehen/ der ane gewissen vnd seel lebet? Es hilfse
auch nichts hie/ da mit sie vns getoret haben vnnd sagen/ der
dem pischoff genugsam sey vnd für ein beichtnauer von yms

angezeyge/ an den soll man sich lassen begnügen/ bat vole die Bischoffe die selensorge beherzigē/ das ist allen menschē gut wissen.
Du wirdest dich auch in keynen weg lassen auffreden/ es wer Bischoff ader bader/ das du dein leyblichs leben/ eynem trunkenen vollen unsinnigen arzet wurdest buellen.
Vnd ist ye ein gross wunder/ das die verflucht betrigerey d pfaffen vnd der mönichen/ der menschen vornunfft vnd eer so gar ubers wunden hat/ das auch die/ die in grausamlicher strenger frages am seyll offe verstexygen vñ behobe kennen pleyben/ damit sie nicht in geuerligkeyt yres leybs vnd lebens gefiert werden/ vnd doch so willig vñ schnel/ alle yre heymligkeyt/ dem pfaffen durffen sagen/
Der ganz keynen unterscheyt hatt/ gegen eynem andern guthen erinck gesellen/ dan das er gedlet vnd halb beschoren ist/ vnnnd wo man zusamen kompt/ besunderlich bey dem weyn/ so spricht der pfaff. Schweyge die rede ist allein meyns
O wie hat so manicher mensch/ seyner beicht halb/ seyn iunges leben verloren/ Es ist auch so gemeyn was am morgen gepeyche wirdt das klaßent die alten weyber nach mittag bey dem rocken.
Ob aber die münch die heyligen vetter nicht erger vnd geserlicher in diesem fall gefunden werden/ magst du wol erkennen.
Vyr das erst/ so yzt gueth wissen ist (got hab loeb) vnd am tag kommen/ das die möncherey ist die ware teuffelisch vnochstenlich gleyssenerey/ dadurch die ganz werle am aller hefftigsten/ verfure ist/ alle menschliche gesetze/ tanbt vnnnd lere/ widder gottes wordt best t wirdt/ vnd der Entechrist auch alle teuffelis he vormessens heyt der Bischoffen vñ pfaffen/ vorneydiget vnd beschirmt/ das wilich besunderlich vorstanden haben/ von den vier Bettelorden/ vnd yrem anhangt/ die dan der teuffel fursichtiglichen/ vñ weyßlich als die vier geweltigen spitzen aller gleyssenerey vnnnd vryfurtherung ingefurt hatt/ vnnnd die ganz werle/ mit yrer scheynnendest gleyssenden/ stückenden/ heyligkeyt/ verbrende hat/ doch du frommer christ/ thu auff deyne augen vnd schaw an die substantz vnd fundament/ yrer geystigkeit/ die gots lesterlichen vnmilden gelobden/ da sie auf teuffelischer vnd eygener verfurung vñ vermessens

E

Heyt got gelobent/ vnothdurfftige vnd vnmögliche dinge/ auch
das die selbigen gelöbden widder gottes gebot/ leyblich vatter vñ
mutter zuerien/ aller vnd yeder oberkeit vnterennig zu sein/ auch
allen menschē dienstlich/ vñ schlechtiglich dem waren ch̄istlichē/
en/ Euangelischen leben/ entgegen vnd widderwirtig erkandt/ vñ
doch dieselben ertzgleissener für alle monich lerren ire gelöbden (als
lein außgesprochē) wircken in der profession alle krafft/ des Chriſt-
lichen tawoffs. Es wirdt auch nach yrem liegen/ der diese ges-
lubden allein mit dem munde sprucht/ vnd nach nye erfüllt hatt/
in der selben stunde ganz reyn/ vnd vnschuldig von allen sunden/
ya als ein weyßgeweſchens tuchlin ym kotte vmbgezogen/ vnd
setzen den dem newen gleißener ein newen namen auß/ das du sie
magst erkennen/ in dem tawsenten grade/ scherpffer vnd verker-
ter phariseer/ dan die waren/ die Christus/ ym Euāgeliō/ an allen
enden bezzeichnet/ vnd besunderlich mit erschrocklicher vormales
Deyung/ Matthei am xxij.

Iſt hirumb ditzs viell generlicher/ den elenden verfuren leuchten/
dein ſeel vnd gewiffen vertraue/ den wo der lay pfaff dein heym/
liket bey dem wein prediget/ da predigen die bueben das ganz iar
von/ vnd wo ſie einen gunſt vnn̄ willen ſunſt auch wiſſen zuſchaffen/
wie oben angezeigt iſt/ am ersten teyll des buechlins.

Darumb vor allen dingen hütte dich/ vnd beycht den monichen
nichts/ die kapp iſt frey/ vnd lauffe durch alle landt/ vnd was der
monich darff gedencken/ da mit er heylig vnd from vñ den mens-
ſchē geacht werde/ das bleybt nicht auß/ wo ym luſt mag wer-
den/ darumb hütte dich frömer Christ.

Wie will un aber der arm einfältig mensch thun/ wen ſie yme gots-
tes tisch nicht wollen vergonnen?

Des hab einen ſolchen behelf/ das die ſchülgelarten/ nemlich alſs
Scotus vñ Thomas 4. ſen. 17. d. vnd all yr anhang ſagen/ das
Bepſtlich geþozwing niemädtſ zupeicheite/ dan die wiffentlich
totlicheſ ſunden/ des ſie noch du/ wie ſie es leren kein wiſſen haben/
den was ſie vñ unterscheidt & totlicheſ vñ teglicheſ ſundeſ ſchreybeſ-
tanten/ vñ lernen/ hat alles kein gründ nach ſuſch in der ſchryffe.

Wen du nu got ym glauben gepeichtet vnd erkent hast/ dein suns/
de all/ wie ers vō dir weyß in der sum vn̄ form/ der waren peiche
wie dir itzt obangezeigt ist/ so hab kein zwēifell du seist erlediget/
von gott/ aus allen deinen sünden/ vnd so sage dich an/ deynem
pfarner vnd sprich.

Her auf der gnad gottes weyss ich mich yetzt keynter todtsunde
schuldig/ darumb ist mir der peicht nicht nodt/ vn̄ sage euch das
in Christlicher liebe als meynem pfarner vortrawlich an/ vnd
beger das hochwirdig Sacrament mit andern christen leuten zu/
entpfaffen. Das ist gnug dich dem priester erzeigt/ nicht auf not/
durfft/ ader vmb gezwangk/ der tyrannischen gefengnus yn der
wier gepunden liegen/ vnd will dich der pfaff weyter fragen/ so
las dich nicht weyter ein/ gib im auch kein antwort meer/ dan er
schuldig ist dir hierinne zuglauben/ wie yr eygen leret anzeigen.
Diewer er dir aber den han/ ader will dir das Sacrament vor/
halten/ so laß dir nicht graußen/ vn̄ furcht den stropotzen nicht/
es giltet sein vormaledeyen eben als viell/ als sein gebenedeyen.

Vnd darumb mit freyden/ so wende dich zu Christo Ihesu/ dem
waren rechten priester vñ deynem innerlichen warhaftigen beicht/
vatter/ der wird dich/ ane die speys vñnd den trant seynes leybs
vnd bluedts nicht verlassen/ dan so lang du ym vertrawest/ vnd
mit begirigem glauben/ sein begereft/ so ist er in dir/ vnd du in yme
vnd das heyst eygentlich geessen sein fleisch vñ trincken sein blude/
wie er das zugesagt. Joannis am. vi. der gebenedeyt vnd geeret
sey mit dem vatter vnd dem heyligen geyst in ewigkreyt Amen.

Geschrieben zu Eysenbach in Düringen vō
Doctor Jacob Strawoss Eccles/
fiaſten daselbst.

E ii

etiam quod dicitur in dico in deo quod in deo non est aliud nisi deus et deus non est aliud nisi deus. Quia deus non est aliud nisi deus. Non enim potest esse aliud nisi deus.

ଦେଖିବାକି ଶତ କଣ୍ଠରୀତି ଯାହା କାହାରୀ
ବିନାଶ କରିବାକି ଦୋଷରୀ ଯାହା
କିମ୍ବାକିମ୍ବାକି